

## اتوار 18 اگست، 2024

### مضمون۔ جند

سنہری متن: یسعیاہ 26 باب 8 آیت

”اے خداوند اسی تیری اڈیک کردے آں ساڈی جان دا اشتیاق تیرے ناں تے تیری یاد دل اے۔“

جوابی پڑھائی: زبور 62: 1 آیت

عبرانیوں 4 باب 7، 12، 16 آیتاں

عبرانیوں 6 باب 19 آیت

1۔ میری جند نوں رب دی آس ای اے۔ میری ملتی اوہدے نال ای اے۔

7۔ جے اج تسی اوہدی آواز سنو تے اپنے دلاں نوں سخت نہ کرو۔

12۔ کیوں جے رب دا کلام جیوندہ تے اثر والے ہر اک دودھاری تلوار توں بوہتا تیز اے تے جند تے روح تے بند بند تے گدے گدے نوں وکھ کر کے لنگ جاندا اے تے دل دے خیالاں تے ارادیاں نوں جان دا اے۔

16۔ ایس لئی آؤ اسی فضل دے تخت دے کول دلیری نال جاییے تاں جو ساڈے اُتے رحم ہووے تاں جو اوہ فضل حاصل کریئے جیہڑا لوڑ دے ویلے ساڈی مدد کرے۔

19۔ اوہ ساڈی جند دا جیہا لنگراے جیہڑا سبوتاتے قائم رہندا اے۔

درسی وعظ

بائبل وچوں

1۔ یسعیاہ 55 باب 1 توں 3، 6 آیتاں

- 1۔ اے سارے تریا یو پانی دے کول آؤتے اوہ وی جیدے کول پیسہ نہ ہووے۔ آدو مل لوو تے کھاؤ۔ ہاں آؤتے دودھ بغیر روپے پیسے دے خریدو۔
- 2۔ تسی کیوں اپنا روپیہ اوس شے لئی جیہڑی روٹی نئیں تے اپنی محنت اوس شے لئی جیہڑی ر جھاؤندی نئیں خرچ کر دے او؟ تسی دھیان نال میری سنو تے ہر اوہ شے جیہڑی چنگی اے کھاؤ تے تہاڈی جان فرہی توں لذت پاوے۔
- 3۔ کن لاؤتے میرے کول آؤتے سنو تے تہاڈی جند جیوندی رہوے گی تے میں تہانوں ہمیشہ دا عہد یعنی داؤد دیاں سچیاں نعمتاں بخشاں گا۔
- 6۔ جدوں تیکر خداوند مل سکدا اے اوہدے طالب ہوو۔ جدوں تیکر اوہ نیہرے اے اوہنوں پکارو۔

2۔ مرقس 8 باب 1، 2، 4 توں 9 (توں:)، 27 توں 29، 31 توں 33، 34 (جیہڑا کوئی) توں 36 آیتاں

- 1- اوہناں دناں وچ جد فیر بڑا جتھا اکٹھا ہو نیا تے اوہناں دے کول کھان نوں کجھ نئیں سی تے اوہنے اپنے چیلیاں نوں اپنے کول بلا کے آکھیا۔
- 2- مینوں ایس جتھے اُتے ترس آؤندا اے کیوں جے اوہ تناں دناں توں لگاتار میرے نال رہیا اے تے ایہناں دے کول کھان نوں کجھ نئیں اے۔
- 4- اوہدے چیلیاں نے اوہنوں جواب دتا پئی ایس جنگل وچ کتھوں کوئی لہسنیاں روٹیاں لیاو وے پئی لہسنیاں نوں رجھا سکے؟
- 5- اوہنے اوہناں نوں پچھیا تہاڈے کول کنیاں روٹیاں نیں؟ اوہناں نے آکھیا ست۔
- 6- فیر اوہنے لوکاں نوں حکم دتا پئی پتجے بیٹھ جان تے اوہنے اوہ ست روٹیاں لیاں تے شکر کر کے توڑیاں تے اپنے چیلیاں نوں دیند اگیا پئی اوہناں نوں اگے دھرن تے اوہناں نے لوکاں دے اگے دھر دیتیاں۔
- 7- تے اوہناں دے کول تھوڑیاں جیہاں مجھیاں سی۔ اوہنے اوہناں اُتے برکت دے کے آکھیا پئی ایہہ وی اوہناں دے اگے دھرو۔
- 8- تداوہ کھا کے رجھ گئے تے بچے ہوئے ٹکڑیاں دے ست ٹوکے چکے۔
- 9- تے لوکی گھٹو گھٹ چار ہزار سی۔
- 27- فیر یسوع تے اوہدے چیلے قیصر یہ فلپی دے پنڈ وچ ٹر گئے تے راہ وچ اوہنے اپنے چیلیاں نوں پچھیا پئی لوکی مینوں کیہ کمندے نیں؟
- 28- اوہناں نے جواب دتا پئی یوحنا بپتسمہ دین والاتے کجھ ایلیاہ تے کجھ نبیاں وچوں کوئی۔
- 29- اوہنے اوہناں نوں پچھیا پر تسی مینوں کیہ کمندے او؟ پطرس نے جواب وچ اوہنوں آکھیا پئی تُو مسیح ایس۔
- 31- فیر اوہ اوہناں نوں تعلیم دین لگیا پئی ضرور اے پئی ابن آدم بوہت دکھ سہوے تے بزرگ تے سردار کاہن تے فقیہ اوہنوں رد کرن تے اوہ قتل کیتا جاو وے تے تناں دناں بعد جی اٹھے۔

- 32- تے اوہنے ایہہ گل صاف صاف آکھی۔ پطرس اوہنوں پراں لے جا کے اوہنوں ملامت کرن لگیا۔
- 33- پراوہنے مڑ کے اپنے چیلیاں ول نظر کر کے پطرس نوں ملامت کیتی تے آکھیا اے شیطان میرے سامنیوں دور ہو کیوں جے توب دیاں گلاں دانسیں بلکہ بندیاں دیاں گلاں دادھیان رکھدایں۔
- 34- فیر اوہنے جتھے نوں اپنے چیلیاں سمیت کول بلا کے اوہناں نوں آکھیا جے کوئی میرے مگر آؤنا چاہوے تے اپنے آپ دا انکار کرے تے اپنی سولی چکے تے میرے مگر ٹرپوے۔
- 35- کیوں جے جیہڑا کوئی اپنی جند بچانا چاہوے اوہ اوہنوں گواوے گا تے جیہڑا کوئی میری تے انجیل دی خاطر اپنی جند گواوے گا اوہ اوہنوں بچاؤے گا۔
- 36- تے جے بندہ سارے جگ نوں حاصل کرے تے اپنی جند دا نقصان چکے تے اوہنوں کیہ فائدہ ہووے گا؟

### 3- لوقا 12 باب 16 توں 22، 30 (تھاڈا) توں 32 آیتاں

- 16- تے اوہنے اوہناں نوں تمثیل آکھی پئی کسے دو لئمنڈ بندے دی زمین وچ بڑی فصل ہوئی۔
- 17- ایس لئی اوہ اپنے دل وچ سوچ کے ایہہ آکھن لگیا میں کیہ کراں کیوں جے میرے کول تھانسیں جتھے اپنی پیداوار بھر کے رکھاں۔
- 18- اوہنے آکھیا میں ایہی کراں گا پئی اپنیاں کوٹھیاں ڈھا کے اوہناں توں وڈھیاں بناناں گا۔
- 19- تے اوہناں وچ اپنا سارا نانج تے مال بھر کے رکھاں گا تے اپنی جند نوں آکھاں گا پئی اے جندے! تیرے کول بوہت ورھیاں لئی بوہت سارا مال جمع اے۔ سکون کر۔ کھاپی۔ خوش رہ۔
- 20- پر رب نے اوہنوں آکھیا اے بے وقوف! ایسے رات تیری جان تیتھوں لے لئی جاؤے گی۔ ایس لئی جو کجھ توں تیار کیتا اے اوہ کیدا ہووے گا؟

- 21۔ ایشی ای اوہ بندہ اے جیہڑا اپنے لئی خزانہ اکٹھا کر دالے تے رب دے نیہ سڑے دولتمند نہیں۔
- 22۔ فیر اوہنے اپنے چیلیاں نوں آکھیا ایس لئی میں تہانوں آکھداں پئی اپنی جند داکر نہ کرو پئی اسی کیہ کھانواں گے تے نہ اپنے بدن دی پئی اسی کیہ پانواں گے۔
- 30۔۔۔ تہاڈا پیو جان دالے پئی تسی ایہناں شیواں دے متھاج او۔
- 31۔ ہاں اوہدی بادشاہی دی تلاش وچ رہتے ایہہ شیواں وی تہانوں مل جان گیناں۔
- 32۔ اے نکلے گلے نہ ڈر کیوں جے تہاڈے پیو نوں ایہہ پسند آیا پئی تہانوں بادشاہی دیوے۔

#### 4۔ مرقس 12 باب 28 توں 34 (توں پہلی) آیات

- 28۔ تے فقیہاں وچوں اک نے اوہناں نوں بحث کر دیاں سن کے جان لیا پئی اوہنے واہ واہ جواب دتا اے۔ اوہ کول آیا تے اوہنے بیچھیا پئی ساریاں حکماں وچوں پہلا کیہڑا اے؟
- 29۔ یسوع نے جواب دتا پئی پہلا ایہہ اے، اے اسرائیل سن۔ خداوند ساڈا رب اک ای رب اے۔
- 30۔ تے تو خداوند اپنے رب نوں اپنے سارے دل تے اپنی ساری جند تے اپنی ساری سیان تے اپنی ساری طاقت نال محبت رکھ۔
- 31۔ دو جا ایہہ اے پئی تو اپنے گوانڈی نوں اپنے برابر محبت رکھ۔ ایہناں تووڈھا ہور کوئی حکم نہیں۔
- 32۔ فقیہ نے اوہنے آکھیا اے استاد بوہت اچھے! تو سچ آکھیا پئی اوہ اک ای اے تے اوہدے علاوہ ہور کوئی نہیں۔
- 33۔ تے اوہنوں اپنے سارے دل تے ساری سیان تے ساری طاقت نال پیار کرناتے اپنے گوانڈی نوں اپنے برابر پیار کرنا ساریاں سوختنی قربانیاں تے ذبیحیاں توں ودھ کے اے۔
- 34۔ جد یسوع نے ویکھیا پئی اوہنے دانائی نال جواب دتا تے اوہنوں آکھیا تو رب دی بادشاہی تو دور نہیں۔

## 5۔ اعمال 4 باب 32 آیت

32۔ تے ایمانداراں دی جماعت اک دل تے اک جند سی تے کسے نے وی اپنے مال نوں اپنا نہ آکھیا بلکہ اوہناں دیاں ساریاں شیواں سانجھیاں سی۔

## 6۔ رومیوں 13 باب 1 آیت

1۔ ہر بندہ اعلیٰ حکومتاں داتا بعد ار رہو وے کیوں جے کوئی حکومت اجیہی نہیں جیہڑی رب ولوں نہ ہو وے تے جیہڑیاں حکومتاں ہے نیں اوہ رب ولوں ای مقرر ہوئیاں نیں۔

## سانس تے صحت

## 1۔ 24-17:9

”توں اپنے سارے دل، اپنی ساری جند تے اپنی ساری طاقت نال خداوند اپنے رب نال پیار کر۔“ ایس حکم وچ بوہت کجھ شامل اے، ایہتھے تیکر پئی بس مادی احساس، افسوس تے عبادت۔ ایہہ مسیحت دا ایلڈ وراڈواے۔ ایہدے وچ

بائبل دا ایہہ سبق پلین فیلڈ کرچن چرچ، آزاد ولوں تیار ہو یاے۔ ایہہ کنگ جیمز بائبل دیاں آیتاں تے میری بیکراڈی وی لکھی ہوئی کرچن سانس دی وری کتاب، ”سانس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

حیاتی دی سائنس شامل اے تے ایہہ روح اُتے الہی قابود پچھان کردی اے، جیدے وچ ساڈی روح ساڈی مالک بن جاندی اے تے مادی حس تے انسانی مرضی دی کوئی تھان نہیں رہندی۔

2- 6-29:60

جند وچ لا محدود وسائل نہیں جنہاں توں انسان نوں برکت دینی ہندی اے تے خوشی ہو ر آسانی نال حاصل کیتی جاؤندی اے تے ساڈے قبضہ وچ ہو ر محفوظ رہوے گی، جے جند وچ تلاش کیتی جاوے گی۔ صرف بلند لطف ای لا فانی انسان دے نقوشاں نوں تسلی بخش بناسکدے نیں۔ اسی ذاتی فہم دیاں حداں وچ خوشی نوں محدود نہیں کر سکدے۔ حواس کوئی اصلی لطف عطا نہیں کردے۔

انسانی ہمدردیاں وچ چنگیائی نوں بریائی اُتے تے جانور اُتے روحانی نوں غلبہ پاؤنا چاہیڈا اے نیں تے خوشی کدی فتح مند نہیں ہووے گی۔

3- 11-9:61

پاپ دی ہر وادی داسر اُچا کرنا چاہیڈا اے تے خود غرضی داہر پہاڑ نیواں کرنا چاہیڈا اے، تاں جوں سائنس وچ ساڈے رب دی راہ ہموار کیتی جاسکے۔

4- 3-19:30

سچائی دے انفرادی نمونے دے طور تے، یسوع مسیح ربونی غلطی تے سارے پاپ، بیماری تے موت نوں رد کرن آیا، تاں جو سچائی تے حیاتی دی راہ ہموار کرے۔ روح دے پھلاں تے مادی فہم، سچائی تے غلطی دے وچکار فرق نوں واضح کر دیاں ہوئے، ایہہ نمونہ یسوع دی پوری زمینی حیاتی دے دوران ظاہر ہندارہیا۔

جے اسی روح نوں پورا اختیار سنبھالن دی اجازت دین لئی مادی فہم دیاں غلطیاں اُتے مناسب طور تے فتح پالئی اے تے اسی پاپ توں نفرت کراں گے تے اوہنوں ہر صورت وچ رد کراں گے۔ بس ایسے طراں اسی اپنے ویریاں لئی برکت چاہ سکدے آں، حالانکہ ہو سکد اے وہ ساڈے لفظاں نوں نہ سمجھن۔ اسی آپ ایہہ انتخاب نہیں کر سکدے، پر ساڈی مکتی لئی ساہنوں اوہداں دے کم ای کرنے چاہیدے نیں جداں یسوع نے ساہنوں سکھایا اے۔ کمزوری تے طاقت وچ، اوہ غریباں نوں انجیل دی تعلیم دیندا ہونیا پایا گیا۔ غور تے ڈر سچائی دے معیار تیکر اپڑن لئی نااہل نیں، تے رب ایہنوں کدی اجیسے ہتھوں وچ نہیں دیوے گا۔

5- 16-9:262

اسی فانی عقیدے دیاں کھائیاں وچ غوطہ کھان نال رب دی تخلیق دے معیار تے فطرت نوں نہیں ناپ سکدے۔ ساہنوں مادے وچ سچائی تے حیاتی نوں لبھن لئی ساڈے کمزور اضطراب نوں پلٹنا چاہیدا اے، تے مادی حواس دی شہادت توں اُچا، فانی خیال توں رب دے لافانی خیال تیکر اُچا اٹھنا چاہیدا اے۔ ایہہ واضح تر تے اُچے خیال رب دے بندے نوں اپنی ہستی دے احاطے تے مکمل مرکز تیکر اپڑن لئی حوصلہ افزائی دیندے نیں۔

6- 3-28:214

نہ عمر نہ ای حادثہ روح دیاں حساں دے نال مداخلت کر سکد اے، تے ایہناں دے علاوہ کوئی اصلی حساں نہیں۔ ایہہ گل واضح اے پئی مادے دے طور تے بدن دا اپنا کوئی احساس نہیں اے، تے جند تے ایہدیاں خصلتاں لئی کوئی فراموشی نہیں اے۔ روح دیاں حساں پیرٹوتوں خالی نہیں، تے اوہ ہمیشہ سکون وچ رہندے نہیں۔ کوئی شے وی اوہناں نال ساریاں شیواں دی ہم آہنگی تے سچائی دی طاقت تے استقلال نوں لکانیں سکدی۔

7- 311:7-8 (توں)، 14-25

جند لافانی اے کیوں جے ایہہ روح اے، جیدے وچ اپنی آپ دی تباہی دا کوئی عنصر نہیں پایا جاندا۔

جند دے ایس غلط اندازے دے پاروں پئی اوہ فہم وچ وسدی اے تے پئی سیان مادے وچ وسدی اے، عقیدہ فہم دے عارضی نقصان یا جند دی غیر موجودگی وچ کمد اُپھر دالے، یعنی روحانی سچائی وچ۔ غلطی دی ایہہ حالت حیاتی دافانی سُنناں تے مادے وچ موجود مواد اے، جیہڑا ہستی دی لافانی اصلیت دے براہ راست مخالف اے۔ جدوں تیکر اسی ایہہ من دے آں پئی جند پاپ کر سکدی یا لافانی جند فانی بدن وچ اے، تہ تیکر اسی ہستی دی سائنس نوں کدی سمجھ نہیں سکدے۔ جد انسانیت ایس سائنس نوں سمجھدی اے، تے ایہہ انسان لئی حیاتی دا قانون بن جاوے گی، ایہتھے تیکر پئی جند دا اُچا قانون، جیہڑا ہم آہنگی تے لافانیت دے راہیں مادی فہم اُتے غالب آؤند اے۔

8- 12:7:58

بے غرض خواہش، حیاتی دے چنگے مقصد تے پاکیزگی، سوچ دے ایہہ جز آپس وچ مل کے انفرادی تے اجتماعی طور تے اصلی خوشی، طاقت تے مستقل مزاجی نوں بناؤندے نیں۔

جند وچ اخلاقی آزادی اے۔

9- 5-31:265

فہم دیاں تکلیفاں صحت بخش نیں، جے اوہ جھوٹے پُر لطف عقیدیاں نوں کھچ کے دور کر دے تے روح دے فہم توں محبت پیدا کر دے نیں، جتھے رب دی مخلوق چنگی اے تے ”دل نوں شادمان“ کر دی اے۔ ایٹج ای سائنس دی تلوار اے جیدے توں سچائی غلطی، مادیت داسر قلم کر دی اے، انسان دی اُچی انفرادیت تے لیکھ نوں تھان دیندیاں ہوئے۔

10- 4-28:224

سچائی آزادی دے عنصر پیدا کر دی اے۔ ایہدے جھنڈے اُتے روح دا الہامی نعرہ ”غلامی تمگ گئی اے“ لکھیا ہوئیا اے۔ رب دی قدرت قیدیاں لئی آزادی لیاؤندی اے۔ کوئی طاقت الہی محبت دا مقابلہ نہیں کر سسکدی۔ اوہ کیہڑی فرض کیتی گئی طاقت اے جیہڑی اپنے آپ نوں رب دے خلاف کھڑا کر دی اے؟ ایہہ کیتھوں آؤندی اے؟ اوہ کیہڑی شے اے جیہڑی انسان نوں لوہے دیاں بیڑیاں دے نال پاپ، موت تے بیماری نال بنھیا رکھدی اے؟ جو کجھ وی انسان نوں غلام بناؤندا اے اوہ الہی حکمران دا مخالف اے۔ سچائی انسان نوں آزاد کر دی اے۔

## 11- 20-12:125

کیوں ہے انسانی سوچ شعوری پیڑتے بے آرامی، خوشی تے غمی، ڈرتوں آس تے ایمان توں فہم دے اک مرحلے توں دو بے وچ بدلدی رہندی اے، ایس لئی ظاہری اظہار آخر کار انسان اُتے جند دی حکمرانی ہووے گا نہ کہ مادی فہم دی حکمرانی ہووے گا۔ رب دی حکمرانی دی عکاسی کردیاں ہوئے، انسان اپنے آپ اُتے حکمران اے۔ صحت دے بارے ساڈے مادی نظریاں نوں بے قیمت ثابت کردیاں ہوئے جدوں انسان الہی روح دا ہو جاندا اے تے موت یا پاپ دے اختیار وچ نئیں ہو سکدا۔

## 12- 14:310 (سائنس)۔18

سائنس روح نوں رب دے طور تے، پاپ تے موت توں مبرا، حیاتی تے ذہانت دے طور تے ظاہر کردی اے جیدے آلے دوالے ہم آہنگی دے نال سیان دے نظام وچ ساریاں شیواں گردش کردیاں نیں۔

روح بدلدی نئیں۔

## 13- 7-3:322

جدوں مادی توں روحانی بنیاداں اُتے حیاتی تے ذہانت دا فہم اپنا نقطہ نظر بدل جاندا اے، تے ساہنوں حیاتی دی اصلیت ملے گی، یعنی فہم اُتے روحانی قابو، تے اسی مسیحیت یا مسیحیائی نوں ایہدے الہی اصول وچ پانواں گے۔

## 14- 3-1:590

آسمان دی بادشاہی۔ الہی سائنس وچ ہم آہنگی دی سلطنت۔ غلطی نہ کرن والے دی ریاست، ابدی تے قادر مطلق  
سیان، روح داماحول، جتھے چند اعلیٰ اے۔

## روزانہ دے فرض

میری بیکریڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے“، الہی سچائی، حیاتی تے پیار دی  
سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے،  
تے اوہناں اُتے حکومت کرے۔

چرچ مینوئل، آرٹیکل VIII، سیکشن 4۔

## مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس  
وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے  
معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط

طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔